



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXI.

urn:nbn:de:hbz:466:1-42840

clarere, & ditescere. Sic epistola. Mirum quantum tangitur tenerum eius pectus, qui Deiparæ Matris honori studet, si quid eius amori possit adijcere. Atque hoc ipsum celestis cuiusdam indolis indicium est, & nota electorum. Hinc illud S. Hildefonti Toletani de B. V. loquentis: *Sequuntur eam omnes electorum animæ.*

ser. 1. in
Ass. B. V.

obijt 1610.
Murcia.

Festum
Annunc.
B. V.

Serm. 1. in
Annunc.
B. V.

ob. 1610.
28. Jun.
Burdigala.

Fugere, ac
horrere
quicquid
est contra
honorem
B. V.

Sabbato
de B. V.
aliquid
narrare.

457. Franciscus de Roa Coad. 70. annos natus, nomine sanctimonix celebratus, Diuinae Matri colendæ constanter addictus fuit in officio Ianitoris: aiebatque se id à Beatiss. Virgine ut sperabat impetrasse, ut eo die demigraret è vita quo illa fuit ab Angelo salutata. Res ex voto successit, morte obitâ illo die quo dixerat: de quo die S. Greg. Thaumaturgus: *Hodie renouatur Adam, & choros cum Angelis agit, in calum sublatus. Hodie perennis virtutis texuntur corollæ. Hodie sacra benenolorum, & religiosorum, diesque festos studiosè colentium capita coronare vult DEVS.*

458. Leonardus du Bois. Nouitius cum per iter comites itineris sui (ignarus quòd hæretici essent) in B. Virginem licenter garrientes audiuit, non solum illos acerrimè coarguit, verum nec eidem cum illis mensæ deinceps accumbere, imò nec sub eodem tecto morari, nec iter vnà profequi voluit, eo linguæ procacis & blasphemæ odio suum erga Dei Matrem amorem testatus.

ANNO MDCXI.

459. P. Ioannes à Campis hoc anno 20. Februarij mortuus, perpetuam Dei Matris memoriam ut haberet præ oculis, rosarium gestabat in manu. Quolibet die sabbati Nouitios adibat, & illis exemplum de B. Virgine oratione ad pietatem tenerè appositâ narrabat. sub mortem cuidam
die.

dixit: *O si nosset, mi Pater, quantum in morte asserat* *Aurien-*
animo solatium Deiparam singulari studio coluisse. Et: *ma de B.*
O filij Adam, seruite illi, amate MARIAM impensius: *V. pag.*
nescitis quam necessarium sit vobis eius auxilium. In: *255.*
 hoc ille solatio expiravit. *Aue, inquit S. Gregorius* *serm. 2. in*
Thaumaturgus, aue. Tu qua reuera gaudio digna sunt, *Annunc.*
agis, *B.V.*

460 *P. Bernardus Colnagus* hoc anno *Catane*
obiit. de quo è multis quiddam ad rem nostram
 decerpo, quod fiduciam nostram accendat vt ali-
 quid palàm dicturi vel acturi ad opem *B. V.* conuo-
 lemus. Fuit cum 8. Decembris de *B. Virgine* iussus
 dicere extemporalis *Ecclesiastes*, videret sibi tan-
 tum adhuc vsque ad concionem temporis superesse
 quanto sacrificium *Missæ* possit absolui, sacro de
B. Virgine se accinxit. Ibi omnem ad concionem
 apparatus petenti singulare præsidium adfuit: sa-
 crum absoluit, pulpitem conscendit, & de imma-
 culato admirabilis conceptionis mysterio spiritu,
 facundiâ, gratiâ, fructu tanto dixit, vt omnes cum
 admiratione dicerent; *Bernardum* à seipso tunc
 maximis passibus superatum. Quippe, quod aie-
 bat de *B. Virgine* loquens *B. Petrus Damianus,*
feruentiorem stylum gloriosa materia facit feruentiorem.

461 *Idem P. Bernardus* in colenda diuina *Ma-*
tre nouos semper inueniebat modos. Eos inter fuit
 & iste; vt in eius cultu nunc hunc, nunc illum *San-*
 ctum imitaretur, ac magnis cælitum exemplis ad
SS. omnium Reginam ex arte caelesti colendam
 proficeret, ita simul *Virginem* & *Sanctum* quem
 imitabatur veneraturus; atque ipsâ varietate, *San-*
 ctorumque adiumento vires ac animum sibi addi-
 turus. Ita *CHRISTVS*, audiente *S. Birgittâ* olim di-
 xit: *Propter preces Matris meæ, & omnium Sanctorum*

serm. 2. in Annunc. B.V.

Pro concione se per illam parare.

Vid. Incit. n. 131.

serm. 1. in B.V. Nat.

Sanctos imitari in cultu B. Virg.

Reuelat. lib. 1. c. 5.



adhuc misericors sum, & patiens. Quare sapienter tam B. Virginem quam Sanctos sibi deuincit, & per illam ac per illos à Deo petita obtinet, qui nunc istum Sanctum, nunc alium in cultu Virginis imitatur.

Innocentes ad B. V. mittere supplices.

ser. I. in Ass. B. V.

Pro animabus laborare.

serm. in Ass. B. V.

462 Insignis quidam è sacro Capuccinorum Patrum coetu Ecclesiastes retulit; se cum in scholis nostris operam literis daret paruulus, à P. Bernardo Colnago ad quandam B. Virginis imaginem missum, instructumque ab illo vt imaginem DEI Matris, Patris Bernardi nomine osculatus, eam rogaret vt ijs quæ P. Bernardus petebat annuere dignaretur. *Accedite ad laudem Virginis, & illuminamini*, vox est S. Ildefonsi MARIANI hortatoris: qui tamen vt nos doceret quomodo ad illam esset eundum, postea subiecit: *Discite humiliari*. Pulchra certè ad impetrandum ars fuit simplex illa humilitas.

463 P. Bernardus Colnagus, cum in secretissimo quodam colloquio de B. Virgine instituto exarsisset astu mirabili, ac Deiparæ amabilem pulchritudinem amanter describeret; rogatus, ecquid illa dixisset: Impositâ, inquit, meo pectori suâ manu mihi dixit: (videbatur illi quasi ab illa audire). Laborandum nauiter, & indefessum pro salute animatum, affer, atque adducas mihi animas, hoc enim obsequium præ omnibus reliquis est mihi longè acceptissimum, charissimum. Optat illa impensè vt nostras primùm, deinde aliorum animas, cælo lucremur. Hæc est illa, quæ, S. Hieronymo teste, *Dedit cælis gloriam, terris DEVM pacemque refudit: fidem gentibus, finem vitij, vitæ ordinem, moribus disciplinam*.

464 Idem P. Bernardus Colnagus, cum antea Marcus Antonius diceretur, in Societate Bernardi

nomen accepit, factus verè Bernardus Marianus. Nullam B. Virginis imaginem præteribat quin illam præcipuâ reuerentiæ amorisque significatione salutaret, iuxta sui Bernardi ad B. Virginis imaginem. *Salve, MARIA;* dicentis, & ab illa vicissim *Salve, Bernarde;* audientis exemplum. Salutemus illam sæpè; vt vel sic quoquomodo compensemus quòd pro dignitate salutare laudareque non possimus illam, de qua, teste S. Hieronymo, *Quicquid humanis dici possit verbis minus est.*

Imagines B.V. salutare.

f. in festo Ass. B.V.

465 In cubiculo familiarem B. Virginis imaginem habere, ad quam pro consilio auxilioque recurras, res est B. V. clientibus familiaris. Habebat nigram, sed formosam B. Virginis imaginem in cubiculo P. idem Bernardus; in qua feliciter confidebat, impetrabat quæ ab illa postulabat. Eam nunc aiunt Catana in sacello templi esse in veneratione; ac statuto die quothebdomadis istuc ad eos qui affluunt exemplum de B. Virgine narrari. Ornet illa, ornet etiam cubiculum tuum quæ est *aula lucis fulgida*; quæ à S. Ephræm merito dicitur *præclarissimum celestis hierarchie ornamentum.*

Familiarem B.V. imaginem in cubiculo habere.

de laudib. SS. Dei Genitricis.

466 P. Bernardus Colnagus ad B. Virginem Lauretanam has (quas è processibus authenticis descripsi) literas dedit, & Ambrosio Colnago Mediolanensi tradidit Lauretum deferendas latinè scriptas in hæc verba: omninò ad verbum:

Literas dare ad B. Virginem.

IESVS MARIA.
O Virgo gloriosissima, Mater dulcissimi Dei, ac Domini mei IESV CHRISTI, memor esto serui tui Bernardi Colnagi, qui etsi maximus peccator sit, tamen gratia Filij tui suauissimi, ac intercessione tua, o Virgo benedicta, sperat maximam opem anima sue; & qua potest, etsi valde exigua ad tantas laudes tuas, te deuotione ob-
ser-

seruantia, ac amore prosequitur. Ne me derelinquas
 seruum tuum, filium tuum, subditum tuum, alumnium
 tuum, qui post Filium tuum, qui cum Patre, & Spiritu
 Sancto coequalis uiuit & regnat, nihil prater te habet in
 quo confidat magis. Serua me, Domina mea, precibus
 tuis ad Filium tuum. Amen. Quid est quod non possit
 impetrare Mater, & talis ac tanta Mater à dulcissimo
 Filio? Age, Domina mea, heu, Regina, & Imperatrix
 mea, ac Angelorum omnium; age inquam, ne desere
 seruum tuum. Expecto per te bona uera, sancta, aeterna,
 Filio tuo, ac tibi maxime placita. Vale, & uiue, Virgo
 purissima, Mater Saluatoris, lux celorum post Filium,
 Virgo decus caeli, terrarum gloria Virgo!
 Virgo DEVM potes aethereo deducere caelo
 Et caelum terris, terras immittere caelo.
 Rome ad caelum per Domum Lauretanam, Domici-
 lium tuum (ò Virgo sacratissima) ac Filij tui Domini mei
 IESU CHRISTI 12. die Martij 1600.

Humillimus, id est vilissimus uermis, seruus
 tuus, nequam licet, seruus indignus tuus.

Bernardus Colnagensis Societatis IESU Filij tui.

Reliqua de illo, & de Thoma Cannon uide Insti-
 tamentorum num. 131. 132. 133. 134. Verissime

opusc. 5.
 propè fi-
 nem.

S. Thomas Aquinas: Sicut, per stellam maris nauis
 gantes diriguntur ad portum; ita Christiani diriguntur
 per MARIAM ad gloriam.

obijt Mo-
 guntia
 1617.

30. May.

467 Hoc anno P. Ioannes Bapt. Rossitidit Me-
 diolani Liliu Virgineu oblatum B. Virgini. P. au-
 tem Ioannes Busaus, magnus iuuentutis in Sodalita-
 te ad B.V. cultum erudiendæ magister, ad defenden-
 dum B. V. cultum Apodixit Theologicam pro ritu
 orandi Rosarium B. V. item Rosarij Hyperaspisten, siue
 depulsionem hæreticarum cauillationum contra
 Rosarium.

P. Pe-

468. *P. Petrus Ribadeneyra* Deiparæ tum calamo
tum cultu addictissimus, non prius abibat e cu-
biculo quàm B. Virginem profundâ reuerentiâ sa-
lutasset, genibus humi fixis; potestatemque exeundi
fieri sibi ab ea petijisset. Redux, disquirebat quo-
modo foris rem gessisset: & si quid in quo deli-
quisset reperiebat, veniam per illam petebat, & ab
illa; si quid benè actum, gratias reddebat per illam,
& cum illa. Ita ille scitè ad mores suos expolien-
dos utebatur suâ erga Deiparam pietate: cui dice-
re poterat illud S. Sabæ ad B. V. loquentis: *Maturas
vitæ fruges ex te carpo, nihil damni à ligno scientiæ
passus.*

obiit Ma-
dridi 1611

B. V. salu-
tare ante
egressum e
cubiculo
& post re-
ditum.
Meneæ.
3. Ian.

469. *P. Petrus Pontanus* cum ingenti moriendi
desiderio teneretur, ad mortem à DEO felicius ac
citius obtinendam nouendiale de B. V. sacrum pere-
git: & cum necdum crederet ferid quod flagitabat
obtinere, diuinæ voluntati suam transcripsit ad vi-
tam seu breuè abrumpendam, seu longiùs porrigen-
dam. Vix hoc fecerat, cum repentè morbo corre-
ptus, eo ingrauescente optatæ ac per B. V. impetra-
tæ mortis piè credidit se compotem factum esse.

ob. Hispani-
1611.
27. Nou.
Nouendia-
li sacro de
illa factò
mortem fe-
licem pe-
tere.

470. Etiam per iter coronam B. V. recitare
grata DEO & Virgini pietas est, quæ in *Iacobo Cha-
pelle* Coadiutore quid effecerit, sic referunt literæ
Turnonenses: Affirmauit è Nostris nonnemo, se,
cum ante multos annos hîc puer studijs literarum
operam daret, ad religiosæ vitæ, adeoque Societatis
ineundæ studium mentem adiecisse, quòd *Iacobum*,
dum ad villam Collegij summo manè proficiscere-
tur, Rosarij globulos piè percurrentem curiosiùs è
specula sapiùs obseruasset. Ita ibi. Adeò pretiosa fuit
illa recitatio coronæ Virginis, vt eius spectator illo
ceca funiculo ad Societatem pertractus videatur.

ob. 1611.
Turnonæ.

Etiam per
iter Rosa-
rium reci-
tare.

Hoc.